

Հ. ԱՐԲԱՀԱՄՅԱՆ

ԹՂԹԻ ԳՈՐԾԱՐԱՆ ՀԱՅԱՍՏԱՆՈՒՄ

18-րդ դարի ութսունական թվականներին էջմիածնում կառուցվում է տպարան և թղթի գործարան:

Դեռևս 1771 թ. ավարտվում և գործի է դրվում տպարանը՝ կոչված լինելով բավարարելու հեղեցական գրականության կարիքը, որ զգում էր հայ հոգեվորականության կաթսիան՝ կաթողիկոսության և բողոքականության դեմ մղած իր դավանաբանական պայքարում:

1. ԹՂԹԻ ՆԵՐՄՈՒԾՄԱՆ ԴԺՎԱՐՈՒԹՅՈՒՆԸ ԵՎ ԹՂԹԱԳՈՐԾԱՐԱՆԻ ԿԱՌՈՒՅՄԱՆ ԱՆՀՐԱԺԵՏՈՒԹՅՈՒՆԸ

Տպարանի աշխատելուց կարճ ժամանակ անցած, պարզվում է որ նա կանգնած է աշխատանքը դադարեցնելու վտանգի առաջ, թղթի բացակայության պատճառով: Այդ շրջանում թե տպագրության և թե գրելու համար թուղթը ստացվում էր Եվրոպայից՝ Տաճկաստանի վրայով: Հաղորդակցության ճանապարհների անկանոնության, անապահովության և հաղորդակցության միջոցների հետամնացության պայմաններում՝ թղթի հայթայթումը կապված էր մեծ դժվարությունների հետ:

Թղթի՝ Եվրոպայից ստացվելու մասին մենք ունենք որոշակի վկայություններ: Սիմեոն Երևանցի կաթողիկոսի հիշատակարանում, ուր քարտուղարի կողմից գրանցված են նրա նամակների համառոտ բովանդակությունները, մենք կարող ենք.

ա) «Եւ ղթուղթ Զաքարիա վարդապետին¹⁾ յղեաց առ սա²⁾ յղի ի Պոլս: Եւ պատուէր՝ զի ԲՃ (200) օղմայ թուղթ, կամ որքան և զայն առեալ յղեսցէ: Նաև գրեսցէ եղբորն իւրոյ՝ Պօլա Նազարէթին, զի նա ևս ԲՃ (200) կամ ԳՃ (300) օղմայ թուղթ առեալ յղեսցէ վասն տպագրատան» (1774 թ. մարտի 22-ի նամակից. «Դիվան Հայոց պատմ.» գիրք Ը, էջ 297):

բ) Զմյուռնիայի նվերակ և առաջնորդ Ղուկաս վարդապետը «յառաջագոյն խոստացեալ սրբազան վեհին, թե ի Ֆռանկաց թուղթ եմ բերելոց. որոյ աղագաւ և սրբազան վեհն գրեաց նմա, զի գալն իւր եթէ թուղթն եկեալ իցէ ի Ֆռանկաստանու, բերցէ ընդ իւր. իսկ թէ չիցէ եկեալ, ասասցէ Աստուածատուր աղային, որ նա հետոյ յղեսցէ» (1775 թ. հունիսի 3-ի նամակից. «Դիվ. Հայոց պատմ.» գիրք Ը, էջ 428):

Կան և բազմաթիվ այլ վկայություններ, որոնցով հաստատվում է ոչ միայն թղթի Եվրոպայից ստացվելը, այլ և նրա մեծ կարիքը, թղթի գործարանի կառուցման անհրաժեշտությունը: Իր 1775 թ. փետրվարի 13-ի նամակում՝ ուղղված Մարտիկեանց մահտեսի Փիլիպպոսին, Սիմեոն Երևանցին գրում է. «զի վասն թղթոց կարի պակասութիւնն ունէաք, զոր ըստ բաւականին առ ձեռն բերել ոչ կարէաք. և մանաւանդ՝

1) Պոլսի Հայոց պատրիարք:

2) Կարնեցի Փիլիպպոս Մարտիկեանց, որն այդ մանակ գտնվում էր Արաբկիրում: